

Minimos de Algol et RW Tauri in 1922.

(Tempore Universale).

Die	M e n s e												Die
	I	II	III	IV	V	VI	VII	VIII	IX	X	XI	XII	
1	3 0	16 0	—	—	13 1	—	—	7 1	20 1	—	1 1	—	1
2	—	—	—	11 0	21 3	8 3	19 3	6 3	—	4 3	—	2 3	2
3	20 2	7 2	8 0	21 0	—	2 1	—	—	—	—	—	14 1	3
4	23 3	—	0 0	—	—	—	15 0	—	—	9 1	22 1	—	4
5	—	12 3	—	—	10 0	23 0	—	4 0	12 1	23 1	10 1	21 0	5
6	—	—	18 2	5 1	16 1	3 1	14 1	1 1	17 0	—	—	—	6
7	15 0	1 3	4 3	17 3	—	—	—	—	—	—	—	11 1	7
8	20 2	—	—	—	—	—	12 0	—	—	6 0	19 0	—	8
9	—	9 2	—	23 3	—	21 3	—	19 3	6 3	17 2	4 2	15 2	9
10	—	20 1	12 3	—	6 3	19 3	—	1 0	13 3	—	—	—	10
11	—	—	1 3	14 3	—	—	8 3	—	—	—	—	8 0	11
12	9 1	—	—	—	—	—	—	—	—	—	23 0	—	12
13	17 2	—	—	—	—	—	8 3	21 3	—	2 3	15 3	—	13
14	—	6 1	22 2	—	18 1	—	16 1	—	14 1	1 0	12 0	—	14
15	—	14 3	7 1	—	3 3	16 2	—	—	—	10 2	—	—	15
16	—	—	—	11 2	—	—	—	—	—	—	23 3	—	16
17	3 3	—	—	—	—	—	—	—	19 2	—	17 2	—	17
18	14 1	—	—	—	—	—	5 2	18 2	—	—	12 2	—	18
19	—	3 1	19 1	—	23 3	10 3	21 2	8 2	—	6 2	—	4 2	19
20	22 1	9 1	1 3	—	0 2	13 2	—	—	7 2	—	—	—	20
21	—	—	—	8 1	—	—	—	—	—	20 2	—	1 2	21
22	11 0	—	—	—	—	—	—	—	14 0	—	12 0	23 0	22
23	—	0 0	16 1	—	21 1	—	2 2	15 1	—	1 0	—	—	23
24	16 3	3 3	—	—	18 0	5 0	16 0	3 0	—	—	9 2	—	24
25	—	—	—	5 0	—	—	—	—	4 1	—	—	22 2	25
26	—	—	—	—	—	—	23 1	—	—	17 1	—	—	26
27	7 3	20 3	—	—	—	23 2	—	21 2	8 2	19 2	6 2	17 2	27
28	—	22 0	14 3	1 2	18 0	—	10 2	—	—	—	6 1	—	28
29	11 1	—	13 0	—	—	7 0	—	—	1 0	—	—	19 1	29
30	—	—	—	—	—	—	—	—	—	—	—	—	30
31	—	—	—	2 0	—	—	20 0	—	—	14 0	—	—	31
32	—	—	—	20 0	—	18 0	—	16 0	3 0	13 3	0 3	11 3	32
33	4 3	17 2	—	—	15 0	—	—	9 0	22 0	—	3 0	—	33
34	—	16 2	9 0	—	7 0	—	5 0	—	—	—	—	—	34
35	5 2	—	9 3	22 3	—	3 3	—	—	—	—	—	16 0	35
36	—	—	—	—	—	—	—	—	21 1	—	19 1	—	36
37	—	—	—	14 2	—	12 2	16 3	—	—	11 0	—	6 1	37
38	1 2	14 2	—	—	11 3	—	23 2	10 2	—	8 1	—	—	38
39	—	11 0	3 2	—	1 2	—	—	5 3	18 3	—	0 0	—	39
40	—	—	6 2	19 2	—	0 3	—	—	—	—	—	12 3	40
41	0 0	—	—	—	—	—	—	—	15 3	—	13 3	—	41
42	22 1	—	—	—	—	—	13 3	—	—	7 3	20 3	—	42
43	—	—	22 0	9 0	20 0	7 0	18 0	4 3	—	2 3	—	0 3	43
44	—	11 1	—	—	8 2	21 2	—	2 2	15 2	—	—	—	44
45	18 2	5 2	—	—	—	—	—	—	—	—	—	—	45
46	—	—	3 2	16 1	—	—	—	—	—	—	—	9 3	46
47	—	—	—	—	14 2	—	—	—	—	—	—	19 1	47
48	19 0	—	—	—	—	—	10 2	23 2	10 1	21 1	8 1	—	48
49	—	—	16 2	3 2	—	1 1	12 1	—	—	4 2	17 2	—	49
50	—	—	—	—	5 1	18 1	—	—	12 2	—	—	—	50
51	13 0	—	—	—	—	—	—	—	—	—	—	—	51
52	—	—	0 1	—	—	—	—	—	—	—	—	6 2	52
53	—	—	—	—	—	—	—	17 3	—	15 3	—	13 3	53

Ce minimos es heliocentrico et es dato in Tempore Universale, id es in tempore medio civile de Greenwich, computato ab medionocete. Primo linea pro omni die pertine ad Algol (β Persei), secundo — ad RW Tauri. Dato es horas et quadrantes (1 quadr. aequa 15 minuta).

Basi pro minimos de Algol es idem, que in Circ. Obs. Crac. Nr. 9, id es formula lineare, calculato cum minimo J. D. 2422628.393 et periodo de Chandler 2.86731 die. Observationes de Algol, facto per multo observatores in Cracovia in autumnno 1921, monstra, que errore de ce formula es etiam insensibile.

Pro RW Tauri, stella variabile, mutante in rapido modo periodo et curva de luce, elementos, dato in Circ. Obs. Crac. Nr. 9, non satisfac jam ad observationes. Pro novo ephemerida nos ute minimo J. D. 2422639.258, sed nos assume, que periodo es diminuto de 0.00004 die, et que illo es nunc 2.76883 die.

Th. B.

Signales horare rythmico de Paris.

Ce signales e es observato in Cracovia etiam in 1920, cum apparatura trans simplice. Nos pote recipe ce signales in nostro Observatorio, distante 1300 km. ab Paris, cum statione recipiente de amatore sine amplificatoré (audion), utente ut antenna linea de telephono. Debe es dicto, que receptione non semper e es possibile. Nos e observa ce signales durante aliquot menses, postea jam cum amplificatore, sed cum nemine e pote decifra telegramma, communicante momentos de primo et ultimo tic — ce telegramma non correspondente exacte ad suo schema —, et cum nos non pote obtine informatione ab Bureau Internationale de Hora, nos cessa de observa ce signales. Sed in anno currente nos succede to decifra telegramma, et nos presenta hic ad lectore aliquot resultatus de nostro observationes, facto in Januario de ce anno, simul cum descriptione de ce moderno methoda de determinatione de hora et aliquot propositiones Observationes refer ad signales nocturno; signales diurno es hic rare bone observabile.

Signales rythmico de Paris es nunc misso cum undas exstinguente de longitudine ca 2600 m. bis pro die: in hora (approximative) 10.00 — 10.05 et 22.00 — 22.05 T. U., et consiste ex 5 serie de tics (59 + 59 + 59 + 59 + 60 tics), spatiato ab se per intervallo, aequale ad ca. 0,9804 secunda siderale; inter fine de uno serie et initio de altero es intervallo $2 \times 0,9804$ sec., id es uno tic es omisso. Aliquot minuta ante 10.00 et 22.00 signales probatorio es misso (tics durante uno fere minuta); tunc succede appellatione — . . . — . . . — . . . etc. et duo vice (fl), — . . . — . . . Postea silentia durante ca. 10 secunda, et tunc seque signales horare. Omni praesignales non es multe regulare. Tics dura 4 minuta 53 secunda, cum 4 interruptiones, de que es dicto jam supra. Radiogramma, relativo ad momentos de primo et ultimo tic, incipe 10.36 et 22.36, per signales preventivo . . . — . . . — . . . misso durante uno minuta. Postea silentia uno minuta et 10.38 et 22.38 incipe telegramma: — — — —

. (Observatoire de Paris — — temps sideral—); tunc, sine interruptione seque telegramma, indicante momentos siderale de Greenwich de primo et ultimo tic (horas, minutas, secundas et centesimae partes de secunda) in duo gruppas, cum octo cifras in omni gruppa. Gruppas es separato ab se per signo Post fine de secundo gruppa seque — . . . — . . . — . . . (ce signos multe perturba incipiente). Duo gruppas, dante momentos, es repetito tres vice. Pro exemplo, die 19 Januario momento de primo signale e es 05 h. 54 m. 14,69 sec., de ultimo — 05 h. 59 m. 07,83 sec., et telegramma e es: 05541469.05590783 — — 05541469.05590883 — — 05541469.05590783 Post tertio vice seque signo (preca to exspecta). Ce invitatione pertine probabile ad signalos horare „ordinario“, dato per simplice „tic“ in hora 10.45, 10.47, 10.49 et 22.45, 22.47, 22.49, et praeterito per — — etc. (primo tic), — . . . — . . . — . . . (secundo), — . . . — . . . — . . . (tertio tic). Etsi exactitudine de determinatione de hora ex ce signales ordinario es incomparabile inferiore, quam ex signales rythmico, id pote es utile to recipe illos, ut habe controla de suo calculos et de hora ex Paris (vide tabula de observationes).

Pro cifras servi in telegramma signos sequente: — . . . — . . . pro 1, . . . — . . . pro 2, . . . — . . . pro 3, . . . — . . . pro 4, . . . — . . . pro 5, — . . . — . . . pro 6, — . . . — . . . pro 7, — . . . — . . . pro 8, — . . . — . . . pro 9, et simplice — . . . — . . . pro 0. Nos verte attentione de lectore, que „nullo“ es designato solum per uno sono, cum omnis alio cifras — per quinque. Sine dubio id es incommodo pro inexperto.

Observatione completo de signales rythmico consiste 1) ex observatione de momentos, cum tics ex Paris coincide cum tics de horologio de observatore; 2) ex observationes de momentos de primo et ultimo tic (stricte uno ex ce tics suffice); 3) ex observationes de momentos de primo tics post omni interruptione. Observationes sub 3) non es necessario, sed es utile in inveniendo de numeros ordinale de ce tics Parisiense, cum que homo e observa coincidentias.

Correctione de horologio se computa per modo sequente. Ex momentos communicato ex Paris de primo et ultimo tic, homo deduc, dividente differentia de ce momentos per 299, intervallo inter duo tics. Resultatu de divisione pro intervallos ordinario es:

Differentia	Intervallo	Differentia	Intervallo
¼ min. 53,11 sec.	0,98030 sec.	¼ min. 53,14 sec.	0,98040 sec.
¼ „ 53,12 „	0,98033 „	¼ „ 53,15 „	0,98043 „
¼ „ 53,13 „	0,98037 „	¼ „ 53,16 „	0,98047 „

Homo trova tunc numero ordinale de tic pro coincidentias. Ad ce, homo sume coincidentia, observato in vicinitate de uno ex primo tics (ergo de 1-o, aut 61-o, aut 121 etc.); addente numero de secundas inter ce tic et tic coincidente ad numero ordinale de sumpto tic, homo trova numero ordinale de uno

ex tics coincidente. Post ce, numero ordinales de alio tics seque facile ex remarca, que 25 tics corresponde ad 24,5 sec. siderale. Cum homo jam habe numeros ordinales (N) de tics, momentos siderale Greenwich de illos seque ex formula:

$$\text{Momento de } N\text{-to tic} = \text{Momento de 1-o tic} + (N - 1) \times (\text{duracione de 1 intervallo}).$$

Comparante ce momentos de Greenwich cum momentos observato, homo deduc correctione de horologio pro omni coincidentias observato.

Exemplo.

(1-o tic ^{h m s}6 41 20 69; 300-o tic ^{h m s}6 46 13 85; intervallo ^s0 98047)

1922, Jan. 31	Mom. de coine. in chron. sid. Bröck.	T. sid. Greenw.	N	Corr. Bröck.		Mom. de coine. in chron. sid. Bröck.	T. sid. Greenw.	N	Corr. Bröck.	v
Obs. Ban.										
	^{m s} 52 (45 3)	^s 20 69	1	(- 24 61)	—	^{m s} 55 34	^s 9 33	173	- 24 67	- 0 01
	53 2	37 36	18	64	+ 0 02	(41 8)	17 17	181	(- 24 63)	—
	30 5	5 79	47	71	- 0 05	59 5	34 82	199	- 24 68	- 0 02
	(44)	19 52	61	(- 24 48)	—	56 23	58 35	223	- 24 65	+ 0 01
	55	30 30	72	70	- 0 04	(40 5)	16 00	241	(- 24 50)	—
54	17 5	52 85	95	65	+ 0 01	50 5	25 81	251	- 24 69	+ 0 03
	43 0	18 35	121	65	+ 0 01	57 14 0	49 34	275	- 24 66	0 00
	5 5	40 90	144	60	+ 0 06	(38 5)	13 85	300	(- 24 65)	—

Momentos in parenthesis non es momentos de coincidentias, sed de primos et de ultimo tic. Primo tic de tertio serie ($N = 121$), que e es etiam coincidentia, e es sumpto in computatione de correctione de chronometro. Alio primo tics — que homo observa solum approximative — es excluso in calculo de correctione. Momentos de extremo tics es „provisorico“, secundum telegramma ex Paris; *Bull. Hor. du Bur. Int. de l'Heure* (t. I, No. 2) contine momentos „semidefinitivo“ (interpolato) de illos. Differentia es in ce casu 0^s.01.

Pro correctione de chronometro homo obtine in medio (omittende minutas): — 24^s.66, cum errore medio $\pm 0,009$ sec. Errore medio de correctione de horologio ex uno coincidentia es ± 0.031 sec.; ambo errores caracteriza naturaliter solum concordantia interno.

Hic se pone in naturali modo quaestione, ad id es certo, que momento de adventu de undas electrico in Cracovia es sensibile identico ad momento de emissione de illos in Paris? Non solum considerationes theoretico sed etiam observationes de velocitate de undas da responso affirmativo. Ita, in determinatione *per radio* de longitudine Washington-Paris 1913—1914 (*Public. of the U. S. Naval Observatory, Sec. Ser., Vol. IX*) astronomos americano inveni pro duplice tempore de transmissione de signales inter ce duo stationes $0^s.043 \pm 0^s.003$, ex que seque pro velocitate de undas 288000 km | sec. id es valore, intra limites de errore de determinatione, identico ad velocitate de lumine in vacuo.

Tabula sequente contine excerpto ex resultatus de omnis observationes nocturno de signales, facto in Cracovia inter 8 et 29 Jan. 1922 per duo observatores. Observa: *Ban.* (prof. Banachiewicz), et *Med.* (gen. Medzwicki). Ambo observatores nota momentos cum semi-secunda chronometro siderale Bröcking Nr. 1252, audiente tics de chronometro per uno auri, et habente in secundo auri auscultorio de radioapparatu. Amplificatore de typo militare français habe 3 lampula, vi electromotorico de baterias es ca. 4 V. et 45 V. (solum).

Data 1922 Jan. T. U.	Corr. Bröcking Observatore		Diff. Ban.-Med.	Nun. de coine.		Errore med. de corr.		Momentos sid. secundum telegramma ex Paris		Duracione de uno intervallo	Remarcas
	Ban.	Med.		Ban.	Med.	Ban.	Med.	1 tic	300 tic		
	^{h m s}	^s		^s	^s	^s	^s	^{h m s}	^{h m s}		
8 92	-1 13 11 55	11 61	+ 0 06	9	10	$\pm 0 011$	$\pm 0 026$	—	05 15 36 84	(0 98030)	
9 92		6 33	+ 0 04	10	9		8	14	05 19 33 21	0 98030	
11 92	-1 12 56 85	56 91	+ 0 06	11	11	12	14	05 22 36 15	05 27 29 29	98040	
12 92		51 94	- 0 02	12	13	14	21	05 26 30 25	05 31 23 38	98037	
13 92		47 15	+ 0 06	12	11	9	10	05 36 28 70	05 41 21 81	98030	1. 2.
15 92		37 64	+ 0 06	11	11	8	20	05 38 30 20	05 43 23 34	98040	3.
16 92		32 98	+ 0 02	12	10	12	15	05 42 20 91	05 47 14 04	98037	
17 92		28 27	+ 0 04	11	11	9	10	05 46 46 89	05 51 40 05	98045	4.
18 92		23 30	+ 0 08	12	11	13	10	05 50 09 25	05 55 02 41	98045	
19 92		18 23	+ 0 05	11	11	10	8	05 54 14 69	05 59 07 83	98040	1.
20 92		12 99	+ 0 07	10	11	18	13	05 58 05 14	06 02 58 25	98030	
21 92		7 91	+ 0 06	3	4	1	24	06 01 58 98	06 06 52 10	98033	5.
22 92		3 11	+ 0 07	11	10	10	12	06 05 52 27	06 10 45 41	98040	6.
23 92	-1 11 58 51	58 56	+ 0 05	9	8	14	7	06 09 48 33	06 14 41 47	98040	
24 92		54 10	+ 0 07	12	12	13	14	06 13 50 80	06 18 43 94	98040	
25 92		49 87	+ 0 07	11	12	20	10	06 19 30 48	06 24 23 62	98040	
27 92		41 72	+ 0 05	13	11	10	14	06 25 40 97	06 30 34 11	98040	
28 92		37 58	+ 0 09	11	12	12	22	06 29 51 11	06 34 44 24	98037	
29 92		33 67	+ 0 07	4	8	$\pm 0 015$	$\pm 0 013$	06 33 56 07	06 38 49 18	98030	

1. In primo serie es dato 60 tics (in loco de 59). Primo tic debe recipe numero ordinale 0.
2. Signales retardato et momentos communicato post signales „ordinario“.
3. Magno confusione: in primo serie 60 tics (in loco de 59) es dato; momento misso per radiogramma corresponde recte ad primo tic, sed ultimo momento corresponde ad prae-ultimo tic, et in signales dees 61, 121, 181, 241 tic in loco de 60, 120, 180, 240.
4. Primo tic non es recepto, nam signales preventivo anormale.
5. Vix audibile.
6. Tics ex Moskwa perturba serie tertio et sequentes.

Ex Tabula seque, que errore medio de correctione de chronometro, deducto ex concordia interno de coincidentias, es, pro uno receptione, $\pm 0^{\circ}0122$ (*Ban*) et $\pm 0^{\circ}0155$ (*Med*; ce es primo observationes de signales de ce observatore). In aestimatione de ce errores debedi es sumpto in attentione, que sonos de chronometro locale et de Turre de Eiffel es audito per diferentes aures. Microphono*), que volbi introduc sonos de chronometro in auscultorio, es in projecto.

Remarcabile es aequatione personale inter duo observatores, visibile ex simplice inspectione de Tabula, et constantia de ce aequatione. Dante aequale pondere ad omni vesperes, seque: Aequatione personale = $+ 0^{\circ}055 \pm 0^{\circ}006$. Errore medio $0^{\circ}006$ corresponde ad concordia interno de diferentes vesperes; ex errore medio, supra dato, de determinatione de tempore, sequebi errore medio de aeq. pers. aequale ad $0^{\circ}005$. Concordia es bono.

Telegrammas super momentos de tics es recepto, usque ad 26 Jan., solum per uno observatore (*Ban.*); postea etiam altero observatore succede to recipe illos. Cum non omnis „clientes“ de signales rythmico pote et desira es erudito ut telegraphistas, aliquot mutationes in telegrammas appare to es desiderabile, ad to facilita receptione de illos.

Primo, „Nullo“ debedi es dato per ———, non per —; nam nunc auditore inexperto aut perde, post „nullo“, filo de telegramma, aut recipe 05 ut 6 et 50 ut 4 etc.; secundo, duo signo —... —... perturbatorio in speciali modo, cum consistente ex 5 sonos (ut chifras), debedi es mutato, pro exemplo in (duo punctos); tertio, inter „temps sideral“ et momentos de tics esbi utile aliquot intervallo: nunc scientiatio inexperto perde initio de telegramma.

Alio desiderato es, que radiogramma cum momentos es misso non ca. 33 minutas post tics, sed in tempore multe plus breve post illos; nos aestima, que calculatione de illos pote es facto in Paris in aliquot minutas, et personas recipientes parecebi tempore.

Quod attine magnitudine de intervallos inter tics, constantia practico de illos fac, que coincidentias cum chronometro siderale succede se semper in intervallos de 25 secunda, et id non es facile to obtine independente observationes de illos. Pro ce causa id esbi desiderabile to varia sensibile intervallos de die in die, si, naturaliter, conditiones technico permitte.

Homo vide, que apparatus maxime simplices suffice nunc to obtine hora cum facilitate et exactitudine, que etiam ab pauco tempore volbi appare incredibile. Aera de transit-instrumentos, sine micro-metros apersonale, ad determinatione de tempore, e transi.

Th. B.

*) Nota, durante impressione. — Microphono es adaptato, et apporta magno amelioratione.

Tempore (hora) universale

(propositione)

per Th. Banachiewicz.

Secundum annunciatione in ultimo volumines de Nautical Almanac, ce annuario i ute ab anno 1925 termino technico mundiale „tempore medio de Greenwich“ (G. M. T.), in novo, mutato sensu, cum G. M. T. debe tunc es computato ab medionocte, et designa in consequentia tempore medio de Greenwich plus 12 hora. In *Circ. Obs. Crac.* Nr. 9 nos e pone questione, ad id non esbi bone — ad to evita confusione — to ute termino „Greenwich Tempore Civile“ pro designatione de novo tempore. Etsi ce termino es jam nunc usitato — pro exemplo in publicationes de Servitione Internationale de Hora — illo non habe favorabile pressa in Anglia. „*The Chaldaean*“ (Vol. III, Nr. 12, pg. 54) remarca, que tempore civile es computato in Anglia non ab 0 h. ad 24 h. — ut debe es computato tempore astronomico — sed ab 0 h. ad 12 h. et iterum ab 0 h. ad 12 h. Et in „*The Observatory*“ (Vol. 54, pg. 158—9) Sir F. W. Dyson scribe, que introductione de novo symbolo G. C. T. esbi inopportune. Jam nunc, ut praedica Astronomo Regale, *generale publico* (cursivo nostro) — pro exemplo uno diurnale pro radiotelegraphia et Ministerio de Aere — comprehendere sub G. M. T. tempore civile. Ad veritate ce argumento non appare ad nos multe persuasivo, cum lingua de scientia de toto mundo non pote se accommoda ad multiple locale perversiones de sensu de vocabulos in vita practico; et, in generale, scientia ute suo terminologia specifico, in que vocabulos saepe es uso non in sensu communi. Ceterum Astronomo Regale confite, que vocabulo G. M. T. i es ambiguo, sed in majoritate de casus — dic Sir F. W. Dyson — ce ambiguitate non i es reale, nam cum hora varia de 12 hora, ex nocte fi generaliter die, et observationes astronomico es facto generaliter in nocte. Sic,⁹ aut non sic, — ce ambiguitate appare ad nos puncto maxime grave.

Oeconomia de scientia exige, nos cense, que data de tempore es sic claro, ut to caracteriza momento in modo completo et unico. Si aliquot considerationes supplementare es necessario, ad to inveni sensu, in que es sumpto designatione de hora, ce designatione es defectivo in essentia. Scientia non admitte vocabulos, habente sensu indefinito, ut terminos. Ergo G. M. T. cessa to es termino scientifico ab 1 Januario 1925. Sed astronomia non pote existe sine vocabulo ad caracteriza momentos. Ergo ad designatione de tempore termino novo debe necessarie es introducto.

Inventione de ce novo termino presenta nullo difficultate; id suffice to cita titulo de conferentia internationale in 1884: „Conférence internationale tenue à Washington pour l'adoption d'un premier méridien et d'une heure universelle, octobre 1884“. Termino „temps universel“ et „heure universelle“ es jam

uso ab Oppolzer in suo magno tractatu (1886) super determinatione de orbitas, traductione français de Pasquier, in sensu:

Tempore (hora) universale = Tempore (hora) medio, computato ab medionocte de Greenwich.

Suppressione de tertio vocabulo „Greenwich“ in ce termino appare ad nos non injusto. nam si tempore de Greenwich repande plus et plus, id es non pro ce causa, que meridiano de Greenwich es meliore, quam alios, sed pro ce, que omnis desira ute tempore universaliter admissio. Fama de Observatorio de Greenwich es nimis solide fundato in toto mundo to ege artificiale folios laureo. Ceterum in simili modo nemine dic „mètre de Bréteuil“, sed solum „mètre“, etsi unico metro recto es ce exemplare, que es deposito in cavo de Bréteuil in Francia.

In Annuario et alio publicationes de Observatorio de Cracovia nos vol ute jam nunc termino „tempore universale“ (T. U. et H. U.), et nos spera, que ce simplice, duovocabulare designatione vol inveni amicos.

Mutatione de initio de die astronomico fac, que datas Juliano astronomico ab 1 Januario 1925 non i es directe comparabile cum datas anteriore, propter differentia de dimidio de die; pro ce causa „commoditate“ de Aera Juliano i es diminuto. Sed, ad veritate, commoditate de Aera Juliano, que es usitato in astronomia praecipue in dominio de stellas variabile, appare ad nos questionabile jam nunc. Id appare non naturale, que ce juveni ramo de astronomia trahe, ut onere, grave jugo, consistente ex 7 cifras, que refer ad suo praehistorico saeculos. Id apparebi rationale to ute in astronomia novo aera, incipiente pro exempló 1 Januario 1801, primo die de centurio de evolutione rapido de scientia, et die de decooperatione de primo asteroida. Nos submitte ce idea ad discussione de astronomos.

Miscellaneos

per Th. Banachiewicz.

De casu de solutione triplice in determinatione de orbita parabolico secundum Olbers. In Cracovia veni in recente tempore Vol. VII — 1913 de „*Publications of the Lick Observatory*“, continente, in labore de prof. A. O. Leuschner, condiciones necessario et sufficiente, ut solutione es triplice. Ce condiciones de Leuschner es dato, sine demonstratione, ceterum jam in „*Klinkerfues Buchholz's Theor. Astronomie*“ (pg. 468). Sed et nos e occupa nos de ce casu, raro in praxi, que e interessa Oppolzer, Herz, Pasquier, Tscherny, Jakowkin, Leuschner, de Mello e Simas, et nos e publica (*C. R. de l'Ac. d. Sc. à Paris*, 1915, t. 161, pg. 122) condiciones, in geometrico forma, de possibilitate de tres orbitas. Id es raro, que resultatus supra uno questione mathematico diverge in tali modo, ut nostro et Leuschner's theoremas. Nam secundum Leuschner pro solutione triplice necesse es, que distantia angulare de cometa ab Sole non excede $125^{\circ}16'$, cum nos assere, que „...solutiones triplice pote es diviso in duo classes; in primo — elongatione de cometa non excede 19° , in secundo — illo es arbitrario (sed aliquot alio, raro in praxi condiciones debe es satisfacto)...“ Ergo apud nos non figura Leuschner's limite de elongatione, et Leuschner non habe nostro limite 19° (ce valore resulta ex calculo numerico satis laborioso, in que etiam excentricitate de orbita terrestre es sumpto in computatione). Et alio condiciones necessario de *Comptes Rendus* non figura in *Lick Publications*. Ubi veritate? potebi quaere lectore.

Propter desiderio to expone resultatus in forma simplice, nos e publica adhuc solum resultatu de nostro meditationes, cum prof. Leuschner da demonstratione *in extenso*. Tamen considerationes de Leuschner appare haud intellegibile. Pro exemplo, theoretico americano scribe (pg. 286): „...four real roots (4 intersectiones de duo curvas) can exist only if the (duo) curves have three points of contact...“. Id appare ad nos, que Leuschner (vide pg. 287, linea 24) es victima de illusionem geometrico analogo ad ce, per que etiam orbita de Luna in spatio, ut intersecante in multo punctos orbita circulari de Terra, es saepe depicto cum punctos de inflexione. Sic aut non sic, suo resultatus non pote es recto. Nam, si homo pone $p' = 16.0872$, $q' = 5.4586$, $c = -1$, $s = 0$, $h = 577.188$, solutione, secundum condiciones (49) de *Lick Public.*, pg. 288, debet es unico, cum $\psi = 180^{\circ}$; sed, in realitate, tres positivo radice de aequatione (24) in pg. 281 exsiste tunc, nominatim $z = 1.3319$, $z = 12.4776$, $z = 17.3648$.

Id appare proprio to revoca hic in memoria, que considerationes geometrico in ce problema e conduc etiam Legendre in suo classico „*Nouv. Méth. pour la determ. des orb. des comètes* (1806)“ ad conclusionem erroneo. Nam Legendre, l. c. art. XXXII, affirma, que problema habe semper uno unico solutione, et id es evidente contrario ad resultatus bone noto de Oppolzer. Passim nos vol etiam remarca, que „facto remarcabile“ de unicitate de solutione completo de problema de orbita parabolico, decooperatione de que es adscripto per Charlier (*M. N.* LXXI, pg. 455) ad Tscherny, occurre jam apud Legendre, l. c. art. XX., et es ibi illustrato in fig. 4.

Exemplo, que supra, de solutione triplice refer ad cometa fictivo in oppositione; ponente $R = 1$, homo habe pro ce cometa $a = 16.9881$, $\varphi = 18^{\circ}45'$, in designationes de nostro supra citato articulo. Motu apparente diurno de tali cometa non excedet $4'$. Ce casu fictivo adpertine ad nostro secundo classa, de que representante non es etiam decooperto. Illo i appare probabile in uno die, ut lente movente, maxime debile cometa photographico.

In articulo, impresso recente in *Bull. de l'Ac. Polon. d. Sc.*, nos investiga loco geometrico de **punctos de inflexione de Curvas (generalisato) de Cassini**, de que aequatione in coordinatas bipolare es $r_1^m r_2^n = c$ (m et n — numeros positivo). Ce curvas occurre in problema de determinatione de orbita ex tres observationes, nam solutione de aequatione principale de problema es aequivalente ad determinatione de intersectione de Curva Cassini's cum linea recto. In casu de orbita elliptico $m = 3$, $n = 1$, in casu parabolico $m = 2$, $n = 1$. Loco quaesito, pro familia $r_1^m \cdot r_2^n = \text{variab. parametro}$, es lemniscata de Bernoulli, puncto duplice de lemniscata adpertinente ad ce loco solum pro $m = n$. Nos e comunica ce resultatu ante impressione ad prof. G. Peano cum adnotatione, que demonstratione nostro es analytico et per ce causa satis longo. Tunc prof. G. Peano e honora nos per epistola, ubi illo, utente calculo vectoriale de mathematicos italiano, da demonstratione trans elegante de parte principale de theorema in quaestione.

In *Akad. Abh. Helsingfors* (1901) K. F. Sundman e deduc suo noto **conditione de divergentia de evolutione de functione perturbatorio** in serie secundum potentias de excentricitates e et e' , ubi longitudines vero de planetas, v et v' , es expresso per longitudines medio M et M' de illos. In ultimo annos Sundman e publica importante memoriale supra conditiones necessario et sufficiente de convergentia. In suo demonstratione Sundman considera M et M' ut variables independentes in ce sensu, que positiones de planetas in orbitas es arbitrario; ce suppositione appare essentialia. Ergo pro solutione periodico et motus medio commensurabiles, cum ad omni positione de uno planeta corresponde solum numero limitato de positiones de secundo, demonstratione non vale. Nos vol hic remarca, que theorema de Sundman e es adhuc applicato, per prof. Wilkens (*Erg. Hefte zu den Astr. Nachr.* Nr. 8, 1905) et suo sequentes, solum recte in ce casu exceptionalis, in que illo non vale.

Pro claritate nos vol etiam explica, que, in casu de motus periodico, conditione de Sundman mane conditione *sufficiente* pro convergentia, nam, si evolutione converge pro positiones arbitrario de planetas, convergentia es assecurato etiam pro ce speciale positiones relative, que occurre in solutiones periodico.

In *Bull. de la Cl. d. Sc., Ac. R. de Belg.*, 1920 — Nr. 12, es impresso articulo de J. Krassowski, praesentato per P. Stroobant, supra **convergentia de evolutione secundum Gylden pro planetoida Thule**. Auctore demonstra convergentia de evolutione de ce serie pro functione perturbatorio, in que duo variables v et v' non es etiam transformato. Ad quid aperi porta aperto? Eventuale divergentia de evolutione de functione perturbatorio pro planetas, habente orbitas sine punctos commune, introi recte per transformatione de v et v' . Convergentia de Gylden's evolutione pro Thule seque ex ratiocinatione Krassowski's cum aequali, non sufficiente ratione, ut ex eo sequebi inconsistentia de criterio classico de Sundman.

Calculante valores naturale de functiones trigonometrico pro centesimali divisione de angulo recto, me remarca **errato** sequente in F. Callet, *Tables de logarithmes*, Paris 1795 (Tirage 1814): $\cos 0,114$ debe es 0,98400 962 6 5114 in loco de 0,98400 96253 5114.

W. Anderson (*Astr. Nachr.* 5143) critica, formaliter recte, demonstratione de Emden, que **effecto eclipsiale de Einstein** non pote es producto per refractione in gasos de corona solare. Non continente se ad critica, Anderson pone hypothesi proprio, que, ex formali puncto de visu, potebi es formulato in modo sequente: in vicinitate de Sole es suspensio corpusculo refringente, et ce corpusculo habe tale forma, ut to produc refractiones observato.

Nos vol admitte, que „corpusculo refractorico“ es homogeneo, et que superiore potestates de α , constante de refractione de illos, pote es neglecto. Nos vol hic investiga deviatione medio de luce per tale corpusculo, faciente nullo hypothesi supra forma de illo.

Nos remarca, primo, que reflexione completo interno de radios pote es neglecto, cum illo pertine ad parte de ordine α de omni luce, cadente in corpusculo, et que, secundo, in calculo de refractione, radio exeunte ex corpusculo pote es admissio parallelo ad radio ineunte (nam nos negligere superiore potestates de α). Nos imagina intersectione de radios, post transitu de illos per corpusculo, cum plano infinite distante, perpendicularare ad directione initiale x de radios; es z axi quelibet in ce plano. Es (nx) angulo, facto per linea normale interno de corpusculo cum directione de x . Radios de luce, in transitu per superficie de corpusculo, discede (s'eloignent) ab normale de angulo $\pm \alpha \operatorname{tg}(nx)$, ubi signos refer respective ad ingressu et egressu. Si ds es elemento de superficie de corpusculo, quantitate de radios, transiente per ds , es proportionale ad $\pm ds \cos(nx)$, ex que seque deviatione ponderato $\pm \operatorname{tg}(nx) \cdot \pm ds \cos(nx) = ds \sin(nx)$. Pro obtine projectione de ce deviatione supra axi de z , illo debe es multiplicato per correspondentem \cos , que es aequale ad $\cos(nz) : \sin(nx)$, et pro deviatione in directione de z seque $ds \cos(nz)$. Sed ex simpliciter consideratione geometrico, aut ex formula celebre de Gauss, homo habe, integrante pro toto superficie: $\int \cos(nz) ds = 0$. Ita nos obtine theorema: deviatione medio de radios per corpusculo de forma quelibet in quelibet directione, perpendicularare ad illos, es nullo, Ce es uno ex formale difficultates, que praesentabi hypothesi de Anderson.

Stellas variabile

Nova Cygni (1920) continua to pallesee lente. Ecce suo magnitudines.

1921: VII. 11 9.7; IX. 9 9.9; IX. 27 10.0; XI 21 10.0; XII. 23 10.1.

1922: I. 24 10.0

(Systema de Harvard).

Pro TV Cassiopeiae et RZ Cassiopeiae me obtine in elaboratione provisorico sequentes minimos.

TV Cassiopeiae						RZ Cassiopeiae									
Data	Minimo			n	Ramos observato		0 - C	Data	Minimo			n	Ramos observato		0 - C
	h	m	m				h	h	m	m				h	
1921. V. 9	0	35.5	± 3.0	8	I	II	+ 0.1	1921. VIII. 1	1	39.5	± 5.8	5	I	0.0	
V. 10	20	14.1	± 5.8	6		m II	+ 0.2	VIII. 13	0	40.7	± 6.4	6	I	+ 0.1	
V. 19	21	48.5	± 2.7	6	I	m	+ 0.3	VIII. 23	19	12.0	± 3.3	4		II	+ 0.5
V. 28	23	6.4	± 3.7	23	I	m II	+ 0.1	IX. 5	22	39.7	± 4.1	10	I	m II	+ 0.4
VI. 7	0	43.8	± 7.1	10	I	m	+ 0.1	IX. 23	20	49.7	± 3.2	3	I		+ 0.2
VI. 8	20	29.7	± 2.6	7		II	+ 0.4	IX. 29	20	19.7	± 4.9	7	I	II	+ 0.3
VI. 26	23	18.7	± 3.7	5	I	II	+ 0.2	XII. 12	22	46.6	± 1.5	15	I	m II	+ 0.3
VII. 16	21	58.5	± 3.3	16	I	m II	+ 0.4	XII. 23	17	4.3	± 1.2	7		II	+ 0.5
VIII. 23	23	40.5	± 3.5	13	I		+ 0.6	1922. I. 17	19	30.5	± 3.2	6	I	II	+ 0.5
IX. 21	23	28.2	± 7.8	5	I		+ 0.3	I. 23	18	46.7	± 4.9	3		II	+ 0.3
1922. I. 25	1	8.0		1	I		+ 0.3	I. 24	23	42.4	± 3.3	8	I	m II	+ 0.5

Columno primo contine data de minimo observato, secundo da momento observato, expresso in Tempore Universale et etiam errore medio de momento de minimo, calculato ex concordantia de singulare determinationes; tertio columna exhibe numero de observationes per methodo de Argelander; in columna quarto es designato per I — ramo descendente per m — minimo, per II — ramo ascendente; columna quinto contine correctione de ephemerida in V. J. S. A. G. 55.

Minimos de TV Cassiopeae es obtento supra basi de curva de prof. Nijland (Harlow Shapley, *A study of orbits of eclipsing binaries*, pg. 132). Es 11 observato minimos me obtine (provisorice) medio correctione de ephemerida $+ 0.^h27 \pm 0.^h05$, epocha 1921.5.

Pro reductione de observationes de RZ Cassiopeae me ute curva de Müller et Kempf (*Astr. Nachr.* Nr. 4103). Ex 11 observato minimos seque (provisorice) medio correctione de ephemerida $+ 0.^h33 \pm 0.^h05$, epocha 1921.8.

Observationes es factio cum parvo inquisitore de cometis, apertura 76 mm, magnificatione 16 vice.
Jan Gadomski.

C h r o n i c a .

Collegas externo, qui potebi sume non adproprio idea de statu de astronomia polonico ex articulo de **directore de Observatorio in Warszawa et professore de Universitate**, domino Krassowski, debe cognosce, que ce persona habe nullo relatione officiale ad Universitates polonico. Veritate es etiam, que dom. Krassowski occupa non positione de Directore de Observatorio, sed solum habitatione de illo (ex tempore de bello). Bagage scientifico de dom. Kr. es multe parvo, tamen si illo habe nullo positione in uno ex 5 universitates de Polonia, causa es alio. In suo doctorascripto supra variationes de latitudine Krassowski e exorna Schuster's periodogrammas, pro ambo coordinatas, cum pulchro, sed ficto. maximos; et in suo habilitationsscripto supra planetoida Thule, illo transscribe conscientiose — adaptante ad suo typo $3/4$ — formulas ex labore de Buchholz supra motu in typo $2/3$ in *Denk. Ak. Wien*, Bd. 72, inclusive errores de impressione, sed, minus conscientiose, illo non indica ad lectore fonte de suo inspiratione.

Trzydziestemu już *vacat* na katedrze astronomji w Uniwersytecie Stołecznym nie możemy przypatrywać się obojętnie. Nawiązując do zakończenia naszej „Garstki faktów“ (*Ok. Obs. Krak.* Nr. 7), i licząc na wpływ opinji publicznej, konstatujemy że odpowiedzialność za obecny bezwład astronomji uniwersyteckiej w Warszawie ciąży przedewszystkiem na kierowniku Obserwatorium, p. S. J. Thugucie, profesorze mineralogji. Na sumieniu naukowem tegoż prof. Thugutta leży użycie heroiczných środków dla obalenia jednomyślnej uchwały Rady Pracowni T. N. W. co do wypożyczenia lunety Cooke'a Obserwatorium krakowskiemu, przez co narzędzie to w dalszym ciągu stoi nieprodukcyjnie, bez pożytku dla kraju.

In Universitate de Warszawa i incipe suo **lectiones super astronomia sphaerico** dr. F. Kępiński, adjuncto de Observatorio; in Posnan doce astronomia B. Zaleski, in anteriore tempore in Nicolaiew (Russia). Ad ambo — nostro gratulationes et desiderios!
T. Banachiewicz.

Lingua hic usitato es **latino sine flexione**. Suo supremo regula grammatico es: scripto es bone, si es facile intelligibile. Pro designatione de tempore praeterito servi „e“, pro futuro — „s“, pro conjunctivo — „bi“. Nos ute interlingua non pro propaganda, sed pro proprio commoditate.

Ex mentions in vario journalis (*Nature*, Nr. 2696; *J. Br. Astr. Ass.*, Vol. XXXI, Nr. 9: *Observatory* Nr. 567; *Chaldaeon*, Vol. III, pg. 54; *J. Astr. Soc. Canada*; *M. Not. R. A. S.*, Vol. LXXXII, pg. 56; *Naturw. Wochenschr.* 1921, Nr. 52) id appare, que *Circ. Obs. Crac.* Nr. 10 e es facile lecto. Circulare praesente contine multe plus textu, et id es interessante, an etiam illo i es bone intelligibile.

Nr. 5140 de *Astr. Nachr.* cum articulo de prof. T. J. J. See **New Theory of the Aether** habe 200 gm pondere. Id appare, que labore de prof. See, continente pulcherrime illustrato **Discovery of the Cause of Universal Gravitation**, es maxime grave ex omnes, que es publicato durante 100 anno de existentia de *Astr. Nachr.* in uno numero de illos. *Tempora mutantur...* et editores

Lista de publicationes

in recente tempore recepto ab Observatorio in dono, et inscripto in bibliotheca ab 1 Jan. 1922.

(Ce lista contine donos de Institutos, *exclusive* periodica; impressos, misso ad Observatorio per personas privato i es publicato in uno ex sequente Circulare).

Amsterdam, Astronomical Institute: The Local Starsystem by A. Pannekoek.	8 ^{vo} Amsterdam
Anvers, Société d'Astronomie: Rapports X, XI.	8 ^{vo} Anvers, 1920, 21
Bruxelles, Observatoire Royal de Belgique: Annales astron. T. XIV fasc. 2.	4 ^{to} Bruxelles, 1918
— Annales. Physique du Globe T. V fasc. 4, T. VI fasc. 1, 2, 3.	4 ^{to} Bruxelles, 1914, 18, 20
Cambridge, Observatory: Astronomical Observations made at.. Vol. XXV.	4 ^{to} Cambridge, 1919
Fundamenta mathematicae: Vol. III.	8 ^{vo} Warszawa, 1922
Goodsell Observatory: Publications No 4, 5, 8, 9.	8 ^{vo} Northfield, 1915—20
Greenwich, Royal Observatory: Report of the Astronomer Royal for 1921.	4 ^{to}
Hamburg, Deutsche Seewarte: Deutsches Meteorolog. Jahrbuch 1919, 1920.	4 ^{to} Hamburg, 1921
La Plata, Observatorio Astronomico: Estrella Variable SV Centauri	8 ^{vo} La Plata, 1921
Lick Observatory, University of California: Publications Vol. VII, XI.	4 ^{to} Sacramento, 1913
— Publications Vol. XIII.	4 ^{to} Berkeley, 1918.
Lisboa, Observ. »Infante D. Luis«: Anais do.. Observ. meteor. 1906—1912.	4 ^{to} Lisboa, 1913, 14
London, Nautical Almanac 1924.	8 ^{vo} London, 1921
Lund, Astronomiska Observatorium: Meddelanden... Serie II No 23, 26.	4 ^{to} Lund, 1920, 21
Madrid, Observatorio Astronomico: Anuario para 1922.	8 ^{vo} Madrid, 1921
Moscou, Observatoire: Annales, 2-me sér., Vol. VI.	4 ^{to} Mosceu, 1917
Netherlands, Astronomical Institutes of the...: Bulletin, No 1—7.	4 ^{to}
Paris, Académie des Sciences: Bulletin de la Carte du Ciel, T. I—VII.	4 ^{to} Paris, 1892—1915
Paris, Bureau des Longitudes: Connaissance des Temps 1917—1923.	8 ^{vo} Paris, 1915—21
Paris, Observatoire: Annales... Mémoires T. XXIX, XXX.	4 ^{to} Paris, 1914, 19
Princeton University Observatory: Contributions.. No 3, 5.	4 ^{to} Princeton, 1915, 20
Tacubaya, Observatorio Nacional: Anuario para 1922.	8 ^{vo} Mexico, 1921
Tokyo, Observatoire Astronomique: Annales... T. V fasc. 3, 4. App. No 1—9.	4 ^{to} Tokyo, 1917—21
Toulouse, Observatoire: Cat. fotogr. du Ciel T. IV fasc. 2, T. VI fasc. 2.	4 ^{to} Paris, 1913, 16
U. S. Coast and Geodetic Survey: Annual Report of the Director, 1920.	8 ^{vo} Washington, 1920
— Special Publications No 26, 60, 62, 67, 68, 69, 71, 72.	8 ^{vo} Washington, 1919, 20, 21
— Observ. made at the Magn. Observ. near Tucson. 1917, 18.	4 ^{to} Washington, 1921
Washington, Navy Department: American Ephemeris 1917—22.	8 ^{vo} Washington, 1915—20
— Astronomical papers Vol. IX p. 2.	4 ^{to} Washington, 1917
Washington, U. S. Naval Observatory: Publ. 2 Ser. Vol. IX p. 3, 4 and App.	4 ^{to} Washington, 1918
Wilno, Obserwatorjum: Biuletyn: I Astron. No 1, II Météorologie No 1, 2.	8 ^{vo} Wilno, 1921

Gratias ad ce omnes Institutos! — Illos Observatorios et Societates Astronomico, que non mitte etiam ad nos suo publicationes, es precato to pone vetere sed renascente Observatorio Astronomico de Cracovia in lista de correspondentes.

Dary pienezne na Obserwatorjum Krakowskie i jego Stację w Beskidach.

(Lista Nr. 1).

Za pośrednictwem Ilustrowanego Kurjera Codziennego w Krakowie (O. N. Tarnów, 1000; <i>Pracownia slusarska S. Kasprzuckiego</i> , 1600; <i>pracownicy kolejowi, obywatele i żołnierze Idyie. I p. art.</i> w Suchej, 6710; <i>por. Adam Świątkowski</i> , 6000; <i>podoficerowie i szeregowcy Kompanji Sztabowej D. O. K. Nr. V. Kraków</i> , 12121.50; zaokrąglono 58.50) ogółem	Mkp. 27500
Na ręce prof. Banachiewicza (z rachunku z P. I. M., 300; prof. <i>M. T. Huber</i> , dla uczczenia ś. p. prof. Tadeusza Godlewskiego, 1000; <i>Pracownicy Wydziału Pomiarów m. Łodzi</i> , 8000; dyr. <i>Włodz. Włodarski</i> , 500; tenże od p. <i>Teodora Rehra</i> w Ostrowcu, 1000; <i>NN.</i> , 20000)	Mkp. 30800
Na konto Nr. 149550 Poczł. K. Oszcz. p. <i>A. Włodkova</i> , 2000; p. <i>Stanisława Kosinśka</i> , 10000)	12000
ogółem	Mkp. 70300

W poszukiwaniu miejscowości, odpowiedniej pod wielki, godny tradycji Uniwersytetu Jagiellońskiego, Instytut Astronomiczny, Obserwatorjum zakłada Stację na górze Łysinie pow. Myślenickiego, na wysokości 912 m., dla zbadania tamtejszych warunków atmosferycznych. Przy życzliwym współdziałaniu Zarządu Dóbr Peim na górze tej wzniesiono domek mieszkalny, obecnie zaś zbudowana zostanie budka pod narzędzie astronomiczne. Dalsze ofiary są pożądane.

Ce numero de Circulare, usque ad exhaustionem, pote es misso gratis ad omni persona.

Contenu de Nr. 11: *Th. B.* Minimos de Algol et RW Tauri in 1922. — *Th. B.* Signales horare rythmico de Paris. — *Th. Banachiewicz.* Tempore Universale (propositione). — *Th. Banachiewicz.* Miscellaneos: de solutione triplex in problema de Olbers, curvas de Cassini, convergentia de evolutione de functione perturbatorio, errato apud Callet, deflexione medio per corpusculo refractorico. — *J. Gadomski.* Stellas variabile. — Chronica. — Publicationes, recepto in dono. — Dary pienezne na Obserwatorjum i jego Stację w Beskidach.

Drukowano z rozporządzenia Obserwatorjum Krakowskiego.

1922. III. 27.

Dyrektor: Tad. Banachiewicz